

[Utama](#)

[Info UMK](#)

[Pra-Siswazah](#)

[Pascasiswazah](#)

[Fakulti /Pusat](#)

[Fakulti Keusahawanan & Perniagaan](#)

[Fakulti Teknologi Kreatif & Warisan](#)

[Fakulti Perubatan Veterinar](#)

[Fakulti Industri Asas Tani](#)

[Fakulti Sains Bumi](#)

[Pusat Bahasa dan Pembangunan Insaniah](#)

[Pusat Pengajian Siswazah](#)

[Kampus](#)

[Utama](#) ► [Berita Terkini](#) ► UMK tuan rumah Kuiz Pelaburan PNB 2012

Laman Facebook UMK

Laman Web HEPA

Pelajar

UMK tuan rumah Kuiz Pelaburan PNB 2012



UNIVERSITI Malaysia Kelantan (UMK) diberi penghormatan apabila dipilih menjadi tuan rumah bersama Permodalan Nasional Berhad bagi Pertandingan Akhir Kuiz Pelaburan PNB Kategori Universiti kali ke 12 yang berlangsung di Dewan Besar Bahagian Teknologi Pendidikan Negeri Kelantan, di Kota Bharu, Kelantan, pada 9 Disember 2012.

Presiden dan Ketua Eksekutif Kumpulan PNB, YBhg. Tan Sri Dato' Sri Hamad Kama Piah bin Che Othman, berkata, pertandingan kuiz PNB 2012 ini berjaya menarik penyertaan daripada 31 buah universiti di seluruh negara melibatkan 3,148 orang pelajar berbanding tahun lalu seramai 2,876 peserta.



Beliau berkata, pada pertandingan kali yang ke-12 ini, PNB telah bekerjasama dengan Universiti Malaysia Kelantan (UMK) selaku tuan rumah menganjurkan Kuiz Pelaburan PNB bertujuan untuk mendidik dan memberi pendedahan kepada siswa-siswi di institusi pengajian tinggi awam dan swasta mengenai pelaburan, ekonomi, dan perancangan kewangan.

"Bakal graduan perlu mendapat pendedahan dalam aspek perlaburan kerana walaupun kita bijak dan cemerlang dalam bidang akademik, kita berjaya menjadi doktor, jurutera, pensyarah, guru dan sebagainya, ia masih belum lengkap jika kita tidak mempunyai ilmu tentang perlaburan dan perancangan kewangan," jelas beliau pada Majlis Penyampaian Hadiah Kuiz Pelaburan PNB 2012 (Kategori Universiti).



Pada pertandingan itu, Universiti Sains Malaysia (USM) telah dinobatkan sebagai Johan Pertandingan Akhir Kuiz Pelaburan Permodalan Nasional Berhad (PNB) 2012 (Kategori Universiti) apabila berjaya mengalahkan Universiti Teknologi MARA (UiTM) yang berada di tempat kedua, Universiti Utara malaysia (UUM) di tempat ketiga manakala Universiti Malaya (tempat keempat).

Johan pertandingan menerima piala pusingan Pengurus PNB, piala iringan dan wang tunai RM8,000. Manakala bagi tempat kedua membawa pulang piala iringan bersama wang tunai bernilai RM5,000 dan tempat ketiga serta keempat masing-masing ialah RM3,000 dan RM2,000.

Hadir sama, Naib Canselor UMK, YBhg. Prof. Datuk Dr. Raduan bin Haji Che Rose, Timbalan Naib Canselor, Hal Ehwal Pelajar & Alumni, YBhg. Prof. Madya Abdul Aziz Ab. Latif, Timbalan Presiden Korporat dan Antarabangsa, PNB, YBhg. Datin Paduka Jamiah Abdul Hamid dan Timbalan Presiden Unit Amanah PNB, YBhg. Dato' Idris Kechot.

Menurut Tan Sri Dato' Sri Hamad Kama Piah, penganjuran kuiz ini merupakan satu platform bagi memberi kesedaran dan kefahaman kepada masyarakat terhadap pelaburan serta perancangan kewangan yang berhemat.

Jelas beliau, program seperti Minggu Saham Amanah Malaysia (MSAM) dan Seminar Pelaburan 360 Hari adalah bertujuan untuk mengelakkan masyarakat menjadi mangsa skim-skim pelaburan palsu yang semakin menular dalam kalangan masyarakat kita.

"Paling menyediakan apabila ramai mangsa skim ini adalah dikalangan mereka yang berpendidikan dan golongan berpendapatan tinggi," katanya yang juga Pengurus Lembaga Pengarah UMK.

Sementara itu, Prof. Datuk Dr. Raduan berkata, inisiatif PNB melalui penganjuran kuiz pelaburan sebegini adalah amat bersesuaian dengan matlamat penubuhan UMK yang cenderung kepada bidang perusahaan dan keusahawanan, selari dengan moto universiti "Entrepreneurship is Our Thrust".

Katanya, usahawan adalah golongan yang berani mengambil risiko dan belajar mengambil risiko untuk berjaya dan begitu juga dengan pelaburan yang diceburi oleh pelabur yang mengambil risiko dengan melaburkan wang serta modal berdasarkan ilmu, kemahiran dan pengalaman yang ada untuk memperoleh pulangan dan keuntungan.

"UMK merupakan salah sebuah daripada 31 buah universiti di seluruh negara yang mengambil bahagian dalam Pertandingan Kuiz Pelaburan PNB pada tahun ini.

"Kaedah pembelajaran yang kreatif dan interaktif seperti Kuiz Pelaburan PNB ini diyakini dapat membentuk graduan yang bukan hanya berkemahiran tinggi dalam bidang pengajian masing-masing, malah pembinaan imej kendiri yang positif, sahsiah yang berkualiti tinggi dan soft skills ataupun kemahiran insaniah yang mantap," jelas beliau.



MAMPU

MDEC



MoF

MyIdeas



UPI

myeg

Bilangan Pelawat :
300081



Hakcipta © 2012 Portal Rasmi Universiti Malaysia Kelantan.
Paparan Terbaik Mozilla/Firefox/IE/Safari/Camino/Opera Friendly
Universiti Malaysia Kelantan, Karung Berkunci 36, 16100 Pengkalan Chepa, Kota Bharu, Kelantan
Tel : +609 - 7717000
Fax : +609 - 7717022
Email : webmaster@umk.edu.my
Tarikh Kemaskini: 13/12/2012, 03:30:06.